



UNIVERSIDADE
DE VIGO

LISTA DE ASISTENTES

Álvarez Rodríguez, Pablo
Barreiro Blas, Antonio
Bravo Bernárdez, Jorge
Fernández Fernández, Federico A.
Gil Villanueva, José M^º.
González Crespán, Araceli
González Pillado, Esther M^º.
Macías Cambra, Enrique
Montero Muñoz, María

DESCULPA ASISTENCIA

Varela Martínez, Iago

Acta da sesión extraordinaria da Comisión Electoral, que tivo lugar o día 23 de marzo de dous mil dez ás 13:00 horas en primeira convocatoria e ás 13:15 horas en segunda.

O martes, día **23 de marzo de 2010**, ás 13:15 horas, na Sala de Xuntas da Xerencia, deu comezo a xuntanza extraordinaria da Comisión Electoral co obxecto de tratar o seguinte punto da orde do día:

- Elaboración do censo electoral do persoal contratado para proxectos de investigación da Universidade de Vigo e aprobación de período de reclamacións ao censo.

A presidenta da Comisión cédelle a palabra á secretaria xeral, quen informa que esta Comisión Electoral ven motivada pola presentación dun recurso por parte do Sr. Pablo Álvarez, que deu lugar á convocatoria extraordinaria dun Consello de Goberno extraordinario, que se celebrou onte e que acordou por asentimento incluír no censo de Reitor e Claustro aos contratados con cargo a proxectos de investigación que poidan acreditar unha vinculación coa Uvigo superior a un ano dentro dos últimos dezaioito meses, e con dedicación polo menos a media xornada. Isto obriga a convocar esta Comisión para, dunha parte, dar conta do censos deste persoal e doutra, ampliar o prazo para publicar censos e establecer período de reclamación ao mesmo.

Seguidamente, explica o sentido xeral do recurso indicando que o mesmo foi presentado polo Sr. Álvarez e se dirixía contra o criterio de elaboración dos censos electorais das eleccións de Reitor e Claustro, seguido pola Comisión Electoral reunida o 12 de marzo de 2010, asumindo o criterio aprobado polo Consello de Goberno na súa sesión de 5 de marzo de 2010; de acordo con este criterio, exclúese dos censos o persoal contratado con cargo a proxectos de investigación. A fundamentación xurídica desta petición baséase no establecido nos Estatutos da Universidade que establecen como un dos principios xerais da súa actuación o de participación; así como no art. 80 sobre o dereito que teñen os membros da comunidade universitaria (formada por PDI, alumnado e PAS) a participar a través dos seus órganos de representación no goberno e na xestión da Universidade; e no art. 83 que determina que o PDI da Universidade está constituído por, entre outros, o contratado por obra ou servizo.

De acordo con esta fundamentación, solicita o recorrente que se inclúan no censo das eleccións a Reitor e a Claustro a todos os contratados con cargo a proxectos de investigación.

Neste tema debe partirse da consideración de que corresponde ao Consello de Goberno, determinar que persoal se inclúe en cada un dos apartados do art. 32 dos Estatutos con carácter previo ao inicio do proceso electoral coa elaboración dos censos. Así se fixo na sesión de Consello de Goberno de 5 de marzo.

Como recordamos todos, nos seguintes sectores estableceuse o seguinte:

a) Profesorado doutor con vinculación permanente á universidade:

- Pertencer aos corpos de funcionarios docentes establecidos pola Lei en situación de servizo activo (salvo profesorado propio en comisión de servizo) como funcionario de carreira estando ademais en posesión do título de doutor.
- Pertencer á categoría de profesor contratado doutor.

b) Restante persoal docente e investigador:

- Pertencer aos corpos de funcionarios docentes establecidos pola Lei en situación de servizo activo (salvo profesorado propio en comisións de servizo) como funcionario de carreira, sen o título de doutor.
- Profesorado integrado da antiga Escola de Relacións Laborais.
- Persoal docente contratado sen vinculación permanente: profesores axudantes doutores, axudantes, profesores asociados, profesores visitantes, profesorado interino, profesores interinos de substitución, profesores eméritos, lectores e profesores de relixión.
- Persoal investigador contratado: doutores seleccionados mediante convocatoria pública competitiva (contratados Ramón y Cajal, Parga Pondal, Juan de la Cierva, Ánxeles Alvariño, Marie Curie e outros asimilados).
- Outro persoal investigador: contratados e bolseiros FPI/FPU, Xunta (María Barbeito) e outros asimilados.

c) Estudantes:

- Estar matriculados en calquera das ensinanzas de primeiro ou segundo ciclo das titulacións oficiais a extinguir, das ensinanzas de grao e máster universitario, ou ben ser estudante de terceiro ciclo.

d) Persoal de Administración e Servizos:

- Pertencer a corpos, escalas ou prazas de funcionarios de carreira ou interinos en situación de servizo activo, ou ás categorías de persoal laboral establecidas no correspondente convenio colectivo ou na lexislación laboral de aplicación.
- Contratos derivados de convocatorias do Ministerio: Técnicos de I+D e Infraestruturas (exclúense aqueles técnicos contratados con cargo a proxectos de investigación).
- Tecnólogos: Lucas Labrada e Isabel Barreto.

No que respecta ao persoal contratado con cargo a proxectos, acordouse a súa non inclusión no apartado b) “Outro persoal docente e investigador”, por dous motivos fundamentais: que a súa contratación non procedía dunha convocatoria pública competitiva e, que non tiñan capacidade docente.


O Consello de Goberno, ante a presentación deste recurso tentou chegar a un acordo que poida satisfacer a todos os interesados (os recorrentes e o persoal que xa forma parte deste sector que pode ver diluída a súa representación), e acordou estimar parcialmente o recurso presentado polo Sr. Álvarez e incluír aos contratados con cargo a proxectos de investigación que poidan acreditar unha vinculación coa Uvigo superior a un ano dentro dos últimos dezoito meses, e con dedicación polo menos a media xornada.

De acordo co anterior, se aceptan os censos elaborados polo servizo correspondente, así como a ampliación do calendario electoral para incluír a publicación de censos definitivos do persoal contratado con cargo a proxectos de investigación e o prazo para a presentación de reclamacións ao censo. O resto do calendario non se ve afectado.

Acórdase que a próxima reunión da Comisión Electoral sexa o día 6 de abril ás 13:00 horas.


E non habendo máis asuntos que tratar, remata a sesión ás 13:45 horas do día 23 de marzo de 2010 da que eu como secretaria xeral dou fe, co visto e prace da presidenta da Comisión Electoral.

A presidenta da Comisión Electoral



María Montero Muñoz

A secretaria da Comisión Electoral



Esther Mª González Pillado